

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **History von den fier Ketzren Predigerordens der Observantz zu Bern, im Schweytzerland verbrant ...**

**Murner, Thomas**

**[Thomas Murner], [1521]**

Wie der gemacht geist den bruder weyter anfächt und enstiget.

**urn:nbn:de:bsz:31-59295**

**N**ach gewonheit des ordens gab man hans  
jetzer ein gasskammer in/darin er schlaf-  
fen solt/bis das er nach entpfencknüss des  
ordens kleid in ein zell verordnet würde.

Nun vermerckte die vier münchwol des schneiders  
grob einfaltigkeit/vnd betrachten ein weg vnd in-  
gang mit im zu versuchen/ob er inen zu irem fürne-  
men geschickt vnd bruchlich sein möchte. Vnd auff  
der heiligen drey künig tag in dem jar so man zalt  
nach der geburt Christi. M. D. vñ. vii. legten sie im  
ires ordens kleide an/vnd gaben im ein zell in als ei-  
nem andern brüder hart an des schaffners zell. Da  
begund in bey der nacht der superior Fraciscus Vl-  
schl versuchen mit boslen/stein werffen/vnd gleich  
gebarē als ein geist/des der brüder sich fast entsatz  
vñ forchtet/in meinung ein rechtrer geist thet im sol-  
lichen trang/vnd klagt des morgens den vier vāt-  
tern/die in daruff trestent/vñ sprachē/wie auch sie  
den geyst hetten gehört/yedoch würd es got zum be-  
sten schicken vnd nach seinem wolgefallen.

## Wie der gemacht geist den

brüder weyter anfacht vnd enstiget.

**U**nd das aber der brüder ein hertz het vñ nit  
verzagt were/Bereyte die münch ein loch  
aus seiner zellen wand in des schaffners  
zell/vñ hiengen ein glöcklin dar/dz der brü-  
der lüten solt wā der geist zu im kem. Vnd gaben im  
auch weywasser vnd ander gesegnet ding/damit er

B ij

sich vor dem geyst sichern solt. ¶ Vnnd vff ein freys  
tag vor sant Matthis tag in der nacht hat sich der  
Supprior Franciscus vlchi angelegt in ein lylach  
als wer er ein geyst/ vnd kam durch hilff des teüfels  
mit sollicher vngestümigkeit in des brüders zell/ das  
er nach verzagt wer/ vnd im der schweyß über alle  
seinen leyb abrañ. Eyn kystlin her der brüder in sey-  
ner zell/ das schlug er offte vff vnd zü/ vnd er wischet  
im sein obdeck/ vnnnd zoch im die mit gewalt ab/ also  
das er allein in seym vnderkleydt in grossen angst  
lag. Vñ zü letst in sollicher not dz glöcklin lüret/ den  
Schaffner zü weckē das er im zü hilff kām/ vñ wen-  
det sich gegen der wand. In dem so näheret sich der  
falsch geyst ye mer zü dē brüder/ vnd begriff in hart  
bey dem hals/ des halb der brüder seer benetiget/ zü  
im sprach. Tu mir helff dir gott vnd seyn milte miter  
wā ich dir nitt gehelffen mag. Da antwurt im dar-  
uff der falsch geyst. O sün vnd diener gottes/ du vnd  
dein nitt brüder mügen mir wol helffen. Da fragt  
der brüder wie im zü helffen wer. Antwurt im der  
falsch geyst. Wan du dich acht tag nach einand mit  
rüten strichest bis auff das blüt vergissen/ vnd mir  
acht messen/ lassst lesen in sant Johans cappellen.  
Vnd zü yeglicher mess vff der erden ligest mit vßge-  
spreiten armen/ vnd zü yeglicher mess funffzig pa-  
ter noster/ vnnnd sonil aue maria betest/ auch zü ein-  
yeglichen pater noster die erd küssest/ in einer ge-  
decknuß des falschen küßs Jude der Christum mit  
dem küßs verriet/ vnd mer funff glauben sprechest/  
als dann wirt mir geholffen. Den brüder beduchte  
die disciplin vnd büß schwer sein/ vnd gab dem geist

ein antwort daruff/wie er dz an die vätter bringen  
vult/daruff der falsch geyst zu jm sprach / dz magst  
du wol thun/aber hab fleiß dz sollich büß volbracht  
werd. Vñ an dem nechste freytag zu nacht so soltu  
mein zwischen neünen vnd zehnen hie in diser zellen  
warten/so würd ich wider kumen mit ein gespänst  
darab du aber nit erschrecken solt/wan sye von mir  
on schaden weychen werde. Also nach disen Worten  
verließ der falsch geyst den Brüd in sein schweißbad  
ligen/vnd schied von jm mit freüde / dz er de armen  
einfeltigen als meysterlich het geöffet in güter hoff  
nung der anfang würt sich zu dem end nach irē wil  
len vnd anschlag schicken.

## Wie die büß vnd disciplin für den falschen geyst volbracht ward.

**A** Morgē frū funden die vier münch irē  
Brüder noch in ängstlicher not ligen/den  
inen alle geschicht gar ernstlich mit sorgē  
erzelt/vnd begert jm beystand zū thun sol  
lich büß zū erlesing des geysts zū volbringē / das sie  
jm gütwillig verwilligte/als die sollichen anschlag  
vor hin hetten angezetlet. Vnd da nū die disciplin  
offenlich acht tag nach eyn ander beschah/ vñ der  
Brüder also kreüzweiß in dem chor vor dem altar wz  
ligen/erhüb sich ein grosser zūlauffen vō dem folck/  
vnd ein merklichs sagen von de geyst. Da sieng do-  
ctor Steffan an zū predigen von dem geyst/vnd vß-  
legen die disciplin warumb die geschehe/ auch wie

B ij